

Model directiv da la raspeda evangelic-refurmeda d'Engiadin'Ota

Preambul

L'evangeli da Gesu Crist es il fundamaint da nos ingaschamaint. Nus tscherchains a Dieu e dumandains zieva la vita.

Nus accumpagnains ed assistins ad umauns, intermediains scolaziun ed exercitains in generel üna cultura da stima.

Nus correspundains als interess da la Federaziun da las baselgias evangelicas da la Svizra e da nossa baselgia chantunela. Ushè ans preschantains nus in nossas vschinaunchas scu partenaris fidos cun ün profil regiunel oriento tenor ils bsögn.

Nus ans inservins d'üna funtauna chafuolla

Nus fains dumandas e stains cun nossa cretta adüna darcho ad ün cumanzamaint.

Nus ans inservins da la tradiziun güdev-cristiauna e chürains il spiert da la reformaziun.

Valuors cristaunas ed umanisticas sun decisivas per nus.

La tradiziun da la cretta ans unescha cun generaziuns avaunt nus, creescha cumünaunza traunter da nus ed ans do tegn pels pass vers l'avegnir. Ella promouva il dialog a l'intern da nossa baselgia illa cumünaunza ecumenica cun las confessiuns cristiaunas, ma eir cun otras religiuns ed ideologias. Que rinforza nossa identited scu raspeda.

Nus discurrins bgeras linguas

Nus vivains üna varieted linguistica e culturela e chürains differentas fuormas d'exprimer la cretta cristiauna. Que ans collia, melgrô las differenzas da nossa derivanza e da noss characters.

Nus vulains esser la baselgia per tuot ils umauns e furmer ün spazi per inscunters.

Nus sviluppains tres furmaziun

Nus creains lös per imprendeder ed essans be buonder da concepir l'avegnir.

L'evangeli sensibilisescha nos vzair, decider ed agir.

Nus intermediains cuntgnieus, incuraschains ed intimains a personas interessedas da chatter lur egna via spirituela. Magiurenited es ün da noss giavüschs centrels.

Nus essans solidarics

Nus ans rendains consciaints cha la güstia, la pêsch e'l mantegnimaint da la creaziun sun noss temas directivs.

Nus ans ingaschains per umauns amalos ed impediens scu eir per umauns in poverted, misiergia e guerra.

Nus creains raits

Nus creains colliaziuns traunter ils umauns e pussibilitains cumünaunza.

Nus essans ün partenari fido per personas ed instituziuns.

Nus essans collios tres la cumünaunza cristiauna in tuot il muond. Que ans rinforza.

Nus cultivains la variedad

Que cha nus rapreschantains es vario – in que chi riguarda la spüerta sociela e culturela, ils lös d'inscunter e las personaliteds.

Nus resguardains tuot nossas caracteristicas localas in Engiadin'Ota e lavurains cun quista ricchezza.

Nus vivins l'avertezza

Nus accompagnains ed assistins ad umauns in tuot las situaziuns da la vita ed in tuot las situaziuns da transiziun.

Nus essans üna raspeda bainvuglianta invers iffaunts e famiglias, essans avierts per differentas fuormas da partenadis ed ans ingaschains pel barat traunter las generaziuns.

Nus promovins la partecipaziun e la cooperaziun. Cotres dvantains nus vivs.

Noss cults divins creeschan üna relaziun traunter il pled da Dieu e'ls inscunters illa vita da minchadi. Nus concepins ils cults divins confuorm a la situaziun, orientos tenor l'ambiant e s-chaffins spazi per fuormas creativas.

L'organisaziun stu surpiglier respunsabiled

Commembers da la raspeda e collavuratuors paun s'orienter vi da structuradas cleras.

l'ram d'üna collavuraziun orientada tenor la squadra promovins nus l'agir in egna respunsabiled.

Nos stil da mner es cooperativ.

Nus infurmains ed ans sustgnains in nossas incumbenzas e creains ün clima da confidenza.

Nus examinains intenziunedamaing e regulermaing nossa tenuta e nos agir scu eir la qualited da nossa lavur.

Nus trattains plain respunsabiled las resursas persunelas, finanziaelas e natürelas.

Nus sviluppains nossa raspeda cuntinuantamaing ad üna cumünaunza chi collia la regiun.

Versiun definitiva e deliberada da la suprastanza da la baselgia illa tschaneda dals
09.01.2018

Per la suprastanza da la baselgia evangelica-refurmeda Engiadin'Ota

Il president:
Sign. G. D. Ratti

L'actuar:
Sign. D. Schwenninger